



Tuniyauvia Ublua: Niqiliqivik 2007	Titiratqiktauviat Uplua: Tattiarnaqtuq 1, 2019	Havaaluagiyaat Havakvik: Havakvik tapfumuna Maniktigut Tamaini/Manikhakhautikhanik Aulapkainiit	Tiliurut Nappaa: 820-1
Nakataa: Munaqhiyut Akiliqtaghanik			
Maliktaghat Atia: HAVAGIAQHUTIK AULLAAQTUT			

1. ATUGAKHAQ

Inuulikiyit havaktiit akiliuhiaruutigihunguyain ihuinakhimagaluaqlutik akiliktuqparaini aullakhimavaktilugu havaaminun akilikgiaqaqtuqhautinik ihuaqhakhimayaini Uiuqaqani A hafumani atuquyauyunik.

Nunalaani havaktiuyut aulaaqyauhimayun tapkunga Nunavut Kavamatkungit talvuna angigiikhimayunik pinnahuarutinut ilaudjuutigitaqtuut havaktinik uuktuqtuq havakhautikhamik, nalliak ilauyuumabluni katimayiini, katimayiit nalliak alaanut angikutikhanut pivalladjutikhanik, imalu akiliuhiaruutigihunguyain naunaitkutaatilugit hapkuununa atuquyauyuni.

2. TILIURUT

Aullakhimayuq havaaminun unalu attautimiuyuunik atuukikhimayut manihakhanik, akiliktuqariaqaqtunik, unalu akiliuhiarutigihunguyain angikhimayauyukhat imalu munarittiaqtukhauyut malittiaqlugit talvuna atuquyauyunik.

2.1. Uuktuutikhat

Una maligakhaut piyuq tamainnut aullaktitauvaktunun havaamingnun naunaitkuutakhanik havakhimayunik hannaikhimavaktakhagiyait tamainnun aullaktitauvaktunun havaamingnun (ilaulugit nunalaani havaktiungitun).

Tamainnun havakti qanurinniarunгнаqhiyaan qanuritungumitku imalunin “uvani aullakhuni naunaitkusalikmik” imalu angut/angnak tikuakhimayunut tapfumuna hanaqidjutat ilangani atanguyani talvani, kihimi angut/angnak havaakhautait alaamut havakvikmun talvuna pilluaruutikhanik pidjutikhautikhanik pinnariktukhanik nalliak nuutqaqtitiihimaitumikluuniit.

Una Atuquyauyuq naunaitkuhiqhimagayuq talvuuna kituliqaak katitigiyaangat angirutikhaanik ilauniaqtuq tapkuninga Nunavut Kavamatkuni.

2.2. Angirutikharnik Havaatigun Aulaghimayuq Tingmitikut Aulahimayut Akiliktahangitlu.

Tamna angirutiqhimayuq havaatugun tingmihimayuq tukhiqtukhaq tingmidjutikharnik akikharnik angirutiqagiiikhimayukhaq hivunirmi talvani Tingminiaqtunik Angirutaani Akiliktukhimaqaqtangniklu Utiqtitigiaqaqtunik Maningit titirangni naunaittiaqhimayukhat tingmidjutingnik aulavikhangit nallautiqhimayunik akikharnik naunaiyagiikhimayut talvuuna iluani ilauhimayut titiqani. Akhuqhairutikharnik angirutikharnik havaktunik tingmiyukharnik imaatun ilauniaqtuq:

- 1) Ministangit angirutikharnik nanminigiyainik havaktunik tingmiyukharnik akikhangitlu Kanatami.

- 2) Ministat Tuklia Atanguyayut akhurutikharnik angirutikhainik aulatitiyaangat nanminigiainik havaamingnun tingmidjutikharnik, kihiani, uqautigiyaqhait Ministangit titirakkut aulaniaqtainik tingmiyaangat talvuuna ikaaknikkut qilaminuaq aulagtinanik, Ministangitlu angirutiaqtukhat akikhangit akiliktautinainik.

Taima unaguikhilangnaiqtunik havaamingni ilaugumi talvuuna havaamingnun tingmidjutiginiaqtainik, tamna tingmidjutikhaq tukhiqtauhimayut ihivriuqtauniaqtun atiliuqtauyukharlu Ministamin. Tamna tingmidjutikhanga piqaqtukhat ilauyuharnik Tingmidjutikhat Angirutikharnik Akiliktaudjutikharnik Maningnik titirangmik, tamna Hivunirmun Tingmidjtkhaq Angirutikhaq titiraq (pigiaqagumi) atiliuqhimayukharlu titiraq tingmidjutiginiaqtaingit.

- 3) Ministam Tuklia Atanguya q munagiyukhaq havaaminun tingmidjutikharnik akikhangitlu havaktinun talvani havakviani havaktitigiaqqtunlu allamik havaktukharnik akhurutikharnik angirutikharnik havaaminun tingmidjutiginiaqtainik akikhangitlu anmutqiamun havaktiunun. Allamik havaktikharnik akhurutikharnik naunaittiaqhimayumik piqaqtukhaq titiraqhimayukharlu.
- 4) Havaaminun tingmidjutikharnik tingminiaqtunik Ministaungitun Tuklia Ministamun Atanguyayuuq angirutiaqgiikhimayukhat, talvani Tingminiaqtunik Akhurutikharnik Angirutikhaanik Akiliktauyukharnik Maningnik titirangnik, talvanga tingminiaqtuq atanguyarnin, nunalaanilu havaktiuyunin angayukhiqluarmin havaktiaqqtukhat tingmidjutikharnik angirutikharni, tamna tingminiaqtuq atanguyangit piqangituq tingminiaqtunik angirutikharnik.
- 5) Kitumilikiak havaatigun, nunalaani ihumagiyaungituq nutqaqtitiyaangat tingmidjutikhangit piyaangat angirutikharnik, tamna angirutikhaq pigiaqqaqtunik aulavikharnik talvuuna tingmidjutiginiaqtainik.
- 6) Tingminiaqtun ausaimi Nunavunmin angirutiaqqtukhaq tingminiaqtuq Tuklia Ministam Atanguyarnin (havaktingitluut).
- 7) Ministat tingminiatun ausiamin Kanatamin kavamangit akiliktuiniaqtainik qiniqhimayukhat Hivuliqtim angirutikharnik aulagtinanik.
- 8) Havaamingnun tingminiaqtun ausaimin Kanatami, allanin Ministamin, angirutiaqqtukhaq talvuuna tingminiaqtunik Ministamun (havaktingitluuniit).

2.3. Manikhaakhautinut talvuna Akikhait



Imalu hannaiqhimayut tapfumani FAM 813-1, tamnalu atugakhak tapkuunanga GNkut aturniaqtun atugaliqidjutikhat maniqarvingmit-atukkiutinik humuliqaak manikharnik tingmidjutikharnik unalu hiniktarvikhangitlu.

Inmikkut akiliktakhagiyaait niriidjutikhangit, hunavalungnik allaniklu akiliktauyukharnik utiqtiniaqtait akiligiikhimayainik tuyugumiuk tamna Tingmidjutikharnik Angirutikhaq Akilikhimaatunuk Titirangit, imaatun itun:

- 1) Tingmidjutikhangit hiniktaqvikhangitlu akikhangit akiliktauhimayut nanminigiyaainik manikharnin talvuuna atukiutikharnin, utiqtitauoniaqtun maniit nalunaitkuni titiraqhimayuq uvani Naunaitkutingni 2.4 & 2.5.
- 2) Niriidjutitait akiliktangit utiqtitauoniaqtun maniit akikhatigun naunaiyagiikhimayut talvani Naunaitkutarmi A-mi, kihiani allanik tuniyauhimayunik talvani uvaniituni atuqtauuyukharnik (Akiliktangit naunaitkutit pigiaqangitun).
 - a) Ubluq tamaat niryutiginiaqtainik akikhangit namaluangitkumi kituliqaak nunalaani, tamna havaamingnun tingmihimayuq uuktugiaqaqtun akikhaluanganik tamainik niriidjutigiyaainik (Akiliktangit naunaitkutingnik piqaqtukhaq) Tapkuat akiliktangit naunaitkutit tunilimaigumik, tamna utiqtitiniaqtun maningnik havaktitauniaqtun niriidjutikhangit akikhangit naunaiyagiikhimayut talvani Naunaitkutarmi A-mi.
 - b) Akikhangit niriidjutikhangit ilauyukhaungitun talvani hiniktaqvigiyaainik akikharni.
 - c) Akikhangit taanganik utiqtitaulimaitun manikhangit.
 - d) Taima niriidjtuikhangit piyagiikhimakpata kaimaryuarutaani ilihairutikharnikluuniit, niriidjutikharnik ikayuutikharnik utiqtilimaitun maniit tapkuninga niriidjutikharnik. Utiqtitaugiaqaqtun maniit atuqtauhimayut taima niriidjutigiyaainik niuviqtauvakhimagumik ikayuutikhangit naunaitkutigiyaainik akiliktutikhat tuniyaugumik.
 - e) Naunaiqyumirutiqaqtuq taima tingmiyukharnik niriigiaqaqtun tingmitinanik utiffaarniagumiklu aihimavingminun havakvianungluuniit nayugaini. Utiqtihimayut maniit atuqtauhimayut akiliktauyukhaungitun tingmidjutikhangit aulaniaqtunuk ikaaknitigun:
 - i) tingmiyukhaq nirilimaitun tupaututikharnik aihimavingmini



talvuuna ikaaknitigun 06:30 unalu 08:30 ikaaknitigun;

- ii) tuliiryuangitkumi 1qangiqtumi pigiaqaqtunik ikaaknikharnik qitiqaukpan niritnaqhigumi aihimaviani;
- iii) kinguliungitkumik 6qangiqan unuigumi pigiaqagumiklu niringnaqhikpan aihimaviani. Utiqtitauyukhat man'ngit akiliktauyukhaungitun tingmitit tikihaqturviatigun:
 - iv) ublaanuami tikihaqtuqtuq 7qangilhaaqtunik pigiaqaqtun tupautikharnik amigaqhungnaitumik;
 - v) tikinahaqhimayuq 12qangiqtinani pigiaqaqtun niridjutikhainik qitiqaukpan; unaluuniit
 - vi) tikinahaqhimayut 18:30nguqtinani pigiaqaqtun niridjutikharnik niringnaqtiluni.
- 3) Allauyut ihuaqtun havaaminun tingmidjutiginiaqtun akikhangit (takulugu Naunaitkut A) utiqtigiaqaqtun man'ngit, ilauniaqtunlu ukuninga:
 - a) una "Atuqtakhanullu man'ngit ikayuutigiyayut" akiliktuqtanut talvuna akilikhimayainik hunavalungnun, inmi hivayautikhatnik, unalu alaanut mikaugaluaqhutik inmi akiliktuqhimayait uutifaakhunguyun akiliktuqhimayainik, akiliktukhanik naunaiyakhimayuni uvani Naunaitkut A, talvuuna ubluivakhimayaini aulaqtuq qanuginia - pidjutigiigumiuk aulaqtuq qanuginia avatqutkumiuk ubluik atauhirmi;
 - b) kavamat nanminiingni hivayautikukhimayunik (Akilikhimayuq titirait pigiaqaqtuq);
 - c) nutaqiquutauyuq akiliktuqariaqaqtunik (talvuna qanuriligangamik avatkuutpaktunik tapkuanut ihuigutivaktunik) naunairuutivaktut talvuuna aullakhuni ahinnun upautingitpakumi, imalu akikhautini hanaiqhimayunikNaunaitkut A (Akilikhimayuq titirait pigiaqaqtuq);
 - d) piulinaqtun akiliktuqariaqaqtun (imaatun ituni tamayaliqiyi aquiyunun, taaksit akhaluutit, hunavalungnik) akhurnaqtun ikayuutikharnik iqaiyalinikkut ayungnautiqqaqtun tingmiyukharnik (Akilikhimayuq titirait pigiaqaqtuq);
 - e) tamayaqarvingmun avatquhimayunik puukatalik akiliktakhainik taima havaktakhangit havaamitigut ihuaqtumik kangikhidjutikharnik tuniyaugumi (Akilikhimayuq titirait pigiaqaqtuq); unalu
 - f) aanuraanik uaqtauyut - ahiatigun malrungnik (2) ublunik

havaamingni tingmiyut, unalu akikhaatigun naunaiyagiikhimayut Naunaitkut A (Akilikhimayut titirait pigiaqaqtuq).

- 4) Kituliqaq havaktuvaluit aullakhuni havaaminun piomagumik iliuraqtaqhait tun'ngahuktittiniup, kihimi aulagiaqaqtun Malittiagumitku Atuquyayuyuni uvani 811, Iliuraqtaqhait Tun'ngahuktittiniup. Tapkuat akiliqtauyukhat talvunga iliuraqtaqhait tun'ngahuktittiniup naunaitkutaani.
- 5) Taaksingit agyaqtuutit atuinrialgit (Akilikhimayut naunaitkutaq piqagiaqangitun akhalutituguvit \$8 nalliak akiqitqiyaukpatluuniit). Talvuna atuguvit taaksikkut agyaqtuutikhatigin naunaiyattiaqhimayukhat humi pidjutikharnik nanminikharnik naunaitkumi.
- 6) Akiliktainik naunaitkutiqaqhimayut pigiaqaqtukhat (kihiani naunairutiqaqumik ilaulimaitun uvani atuqtauquyayuyuni) naunaiyaiyaangat havaminun tingmigumik akiliktakhangit utiqtitiyaangat manikhangit, unalu havaminun tingmihimayut havakhimaaqtukhat naunaitumik pidjutikharnik aulayukhayut uvani atuqtakharnik. Kihimi, ayungnautiqagumik piyaangat atuluagiyainik titiranuagut himiqtaugumikluuniit akilikhimayainik, titiraqhimayukhat talvani akiliktihimaaqtaini titirangmi. Angirutiqaqtuq havaktiuyut atiliuqtakhangit titiraqhimayainik angirutiqagumik taima ihuaqtun akiliktangit akiliktihimaaqtunik maniit utiqtiauyukhat taima piqangitkumi akiliktainik naunaitkutingnik.
- 7) Tingmidjutigivakhimayaingit akiliktangit utiqtitiyaangat maniit atuqpakhimayainik piyaulimaitun talvani akiliktainik aulahimayut ilauyut talvuna hiniktaqvingit, niriidjutikhangit, ikayuutikharniklu, hunavalungniklu ahikuurumi naunaitkutaani, angirutqagiikhimayut havaminun tingmidjutigiyainik naunairutiqaqangitumik piqaqtun angirutigiyaulimaituq atiliugiaqaqtunik angirutiqaqtuq.
- 8) Tapkuat kavamangit nanminikharnik tingmidjutiginiaqtainik katitirumik, avalituuq akiliktainik aulanikkut katitirniaqtait taima nanmnikkut tingmigumi ilaungitkumi utiqtitauniaqtun akiliktangit akikhangit.
- 9) Talvuuna qullinik (10) havaktunik ubluanganik iniqtiqhimagunni tingmidjutikhat, tamna havaktiutin tingmivakhimayangnik tuyuqtauyukhaq angut/arnaq akiliktauffagianganik manikharnik talvani akiliktauvakhimayangnik talvani angirutiqagiikhimayunit Tingmidjutikhat Angirutiqaqtuq Akiliktauffagianganik Maningniklu titiraq uuktuutikhaq, piqarluni ikayuutikharnik titirangnik naunaitkutingniklu, angirutikharnik talvunga Nunavut Kavamatkuni.
- 10) Qanuqtun naunaitkutaqaligumi atukiutihimayut aulaghuni manikhaktittaubluni, taimailliungitkuvin talvuna titiqutingitkuvin manikhaakhautikhamik himmauhiutikhamik qanuqtun qullinik (10)



havaktuk ublurnik iniqtirumiuk aulaaqtamingnik naunairutiqarniaqtuq
manikharnin piyaqtauniaqtun akiliktakharnik.

2.4. Ilaugatauyut Qanuritaqhaa

1) Aullaqtauyukhaq Atukkirmi:

- a) Aullaqhuni havaminun tukhigiaaqtuq aullaqtauyukhaq atukkirnikut talvuuna 80pusanmik nigirutiginiactainik havaminun tingmiyukhaq akikhaangit ilaungituq tingmidjutikhangit hiniktarvikhangitlu akikhaangit (Takulugu Atuqtauyukhaq 817-3).
- b) Tingmiyukharnik Hivunirmi Akiliktauvakhimayut tuniyauyukhaungitun ingilradjutikharnik hiniktaqvikharnik inungnun havakvingnunluunit atukiutiqaqtunik naunaitkungnik Nunavut Kavamangitluuniit aulautikharnik atukiutiqaqtunik atuqtauyukhat.
- c) Tapkununga havaktunut tuniyauvakhimayut tingmidjutikharnik hivunikharnik avatquhimayut utiqtifaaqtukharnik maningnik, tuniyukhauyut, talvuuna quliinik (10) havakviangit havaktunik ublurnik iniqtiqtakhagiyaat aulautirutikharnik, manikhatigun, maningnik aqiiqtutigiikhimayut avatquutiagiyaangat akiliktangitnik.
- d) Havaktiuyut kituliqaak piqaqtukhaungitun avatquhimayumik atauhirmik tingmidjutikharnik hivunirmi akikharnik akiliktakharnik qakungugaikpa, kihiani amigaitun angirutiqagiikhimakpan Ministamin, Tuklia Ministaminlu, havaktiuyunikluuniit.

2) Inigilradjutikharnik:

- a) Tingmidjutikhaq akikitqianik piyuqhauyut, kihiani malikhautiqarlutik piqaqtukhat:
 - i. Minista, Tugliuyuq Ministamin, Titiraqtiuyuq Maligaliurvingmi aullainnarialrit havaamitigut, inikhaqalluatqiatigut tingmidjutait taima havaamitigut tingminiaqtun tamaita tingmivikharnik aulaviit aulagiaqagumik ublumi atauhirmik avatqungitumik hitamani ikaakninik.
 - ii. Tamaita havaktut angirutiqaqhimayut tingmiyaangat havaatigun tingmiyut aulayuniklu tingmidjutikhangit avatqukpani ilaivanik ikaakninik, angirutiqaaqgata hivunikharnik pigiaqaqtunik tapfuminga Tingmidjutait Angirutiini Utirutikhainniklu Maningnik titiraani.
- b) Tamna pidjutikhangit uvani atuqtakharnik, aulayunik tingmiyunik ikaaknikhangit aulaniaqtun hivunirmi atauhiq ikaaknimi aulagtinani tikiutiigiikumik tikitakharniklu nunalaaniluuniit tangmaarviginiactaini.

- c) Havaaminun tingmiyukhat ikayurlutik “qimaktitauyukhaungitun” ikhivautakhainik tingmitmin. Talvuuna hulilukaaligumik havaaminun tingmiyuq inmikkut “qimaktitauyumayuq” talvanga tingmivigikhaani, qanurikumik ikayuutikhanik tapkuat tingmitingnun ikiyukharnik ikayuktiuyut ikayuutikhamingnik talvuna pitquuyayuyum “qimaktitiniaqtunik” naunaitkutakgiikhunguyan talvuna akikhilakruutigiyauyangani GN akilikariaqaqtuni.
- d) Tingmiyukhat pidjutigiyaulimaitungnaqhiyuq havaaminun tingmiyukhaq tullirniaqtunik talvuuna nanminigiyangnik atuqtakharnik.

- 1) Akhaluutit tapfumuna Aullakhuni Havaminun Ahinungauhimayuq:
 - a) Akiliqtuiyut akhaluutikhamingnik (angitqiavyaqtumik mikyumit akhaluut, angiktaugumi kihiani angiyumik akhaluutikhamik) ihuatqiyaugumi, akikitqiangupluni, angiktaugumilu aturiami hivuatigut. Kavamat akiliutait pigiaqagumik havaamitigun aulaqhimayunun; angitqiyauyut akiliutait naunaiqyumiqtukhayut. Tamna havaaminun aulaqhimayuq angigiaqangituq qulangnairutikharnik (tuluqtaugumik aihuruqhimayut angirutikharnik - CDW) qulangnairutikharnik taima Nunavut Kavamangit qulangnairutiqaqtunik talvuuna ayungnautiqagumi.
 - b) Malikhautikhat atuqtakhait, nanminikkut atuqtunik akhaluutingnik Nunavut Kavamangit atuqtakharnik ihuagiyaungitkumi. Maningnik utiqtitaulimaitun tunilimaitun aturutaatikku nanminiqaqtunik akhaluutingnik havakhimaaqtunun tingmiyunik kihiani angirutiqaqtinanik Ministamun umingaluuniit Tuklia Atanguyangmin, talvuunaluq malikhautikharnik naunaitkutiqaqtinanik tapfuminga “Havaatigun Atuqtauniaqtun” qulangnaiyautikhangit akhalutmi piqarluni. Tamna akikhautikhak pidjutikariaqaqta tapfumanga akiliktakhangit havaktiumit. Utiqtitauniaqtunik man’ngit angirutikharnik atugianganik nanminiqaqtunik akhaluutigiyainik akiliktutikhait naunaiyagiikhimayut talvani Naunaitkut A.
- 2) Apqutailgumi Akhaluutituqhuni Havaminun Aulaaqtuq:
 - a) Aulaaqtuq Havaaminun Ahinungauhimayuq atuqhuni apqutailgumi akhaluutinik (ilauyut siikiitut, nunakuuruit haantat) mikiunik qainanik angirutiqaqtukhat hivunirmi, taima akhaluutit qainatluuniit nanminiqaqtunik havakvingmik atuqtitiyut nanminiqaqtunikluuniit havakvingmikluuniit.
 - b) Tamaita nunakuuruit hanatat hitamanik amigaituniklu kaipluarutiqaqtukhayut. Tamna aulaaqtuq atuqtukhaq aanuraanganik angirutiqagiikhimayunik qayangnairutikharnik halmanik uhitirumi apqutailgumi aulayunik akhaluutinik, angirutiqaqtukharlu nanminikharnik puptalaarutikharnik aturhimaqtukhaq mikiunik qainarni itkumi.
 - c) Maningnik utiqtitauyukharnik Nunavut Kavamanmin atugumik nanminikkut apqutailgumi akhaluutinik akiliutitaitigun naunaiyagiikhimayut talvani Naunaitkut A-mi (Akilikhimayuq titirait pigiaqaqtukhaq). Qulangnaiyautikhangit, ihuaqhaidjutingnik allaniklu nanminigiyainik akikhangit nanminiqaqtunik piqaqtunik apqutailgumi akhaluutinik qainaniklu nanminigiyainik munagidjutigiyaqhangit.

- d) Nanminigiyangnik akhaluutunik atugumik, naunairutingnik ihuaqtunik akilitaugiaqaqtunik ihuinaaqtaugumik qullangnairutikhagiyainik tuniyukhaq Ayungnautiqaqqaq Munagidjutikharnik taima auaqtinanik.

3) Nanminigiyaa Tingmit

Aularniaqtuq havaminun tingmiyukharnik tingmiyukhaungitun nanminiqagtunik tingmitingni, tingmitingniluuniit nanminiqangitunik laisiqangitunik naunairutiqaqtukharnik ilauyukharnik talvuuna pidjutikhatigun (takulugu atuqtakhagiyaat 815 - Tingmitingnik Akiliktauyukhat Atuqtitiyut). Havaaminun auaqtukhaq tingminik aqtukhaungituq tingmitingnik havaaminun auaqhimatiluni. Ministat unalu kituliqaak auaqaqtigiyangit havaktiit ilauyukhaungitun uvani malikhautikharnin.

2.5. Hiniktarviit

1) Havakvik Itiqtirvik:

- a) Tamna aulaaqhuni havaminun naunaiyarlugit ikikhilaarutikhangit akikhangit Nunavut Kavamanmun aturluni hiniktarviit kavamangitlu akikhilaarutikhangit akikhait titiraqhimayut talvani qakuktangni mapiraarutaani Hiniktarviit Akhaluutiniklu Atuqtitiunik Naunaitkutingni titiraqhimayut talvuuna Kavamangit Havaktiuyut pigiaqagumik. Angirutikharnik atuqtakharnik angirutiqaqtinanik inungnin angirutiqagtukharnik havaaminun tingmiyukharnik. Nalunaitkutaa ittuq talvani <http://www.njc-cnm.gc.ca/directive/travel-voyage/s-td-dv-a3-eng.php>. Tamna havaaminun aulaqhimayuq ihumagingitkumiuk ukuat malikhautikhangit pilimaitun maningnik utiqtitauyukharnik qaanganiitunik titiraqhimayut kavamatkuni akikhilaarutikharnin akituutainik.
- b) Talvuuna ikaaknikkut avatqungitun tuani fainik (25) tatqikhiutingit ubluangit nunalaani havaktiuyut utiqtitauiaqtun man'ngit akigiluaqtainik angirutikhaqaqtunik hiniktarvingmi.
- c) Talvuuna ikaaknikkut avatqungitun tuan fainik (25) ublunik, tamna havaminun aulaqhimayuq pigiaqaqtun ihuatqiyayunik hanaqidjutikharnik akliktuihimaqaqtukharnik hiniktarvingnik havainikkut tatqikhiutitigun akikhaatigun.
- d) Tamna aullaqtitauyuq havaaminun inmiluak pidjutiqariaqaqtait nutqaqtitilugit kituliqaak atuqtaungitun tingmidjutikharnik naunaitkutikharnik taima angirutqaqtumik piyaangat ikaaknikhangit akiligiaqaqtuniklu kituliqaak akiliktauyukhat taima nutqaqtinagingutkumi qilaminuaq. Una malikhautikhangit ihumaliugiaqaqtaingit hanaqidjutikhangit aulatitilimagumik havaaminun aulaqtitauhimayuq nutqaqtitiyuq tingmiyukharnik naunaitkutikharnik ihuagiyayumiklu naunairutiqaqtukhat tuniyaugumi.

2) Nanminiqangitunik Nanminiqagtunikluuniit Itiqtirvikhat:

- a) Tamna havaaminun tingmiyukhaq atugiaqaqtun nanminiqagtunik hiniktaqvikharnik manitlu utiqtitauiaqtun talvuuna akikhaatigun akikhaitigun naunaiyagiikhimayuq Naunaitkutmi A (Akilikhimayuq titirait pigiaqaqtukhaq).
- b) Atuqtukhat allatqiinik itiqtirvikharnik, taimaitunik tupirnik akhaluutingnunlu agyaqtauvakhimayut, angiruqagiikhimayukhat utiqtitaugianganik akiliktainik akikhangit naunaiyagiikhimayut uvani Naunaitkut A (Akilikhimayuq titirait pigiaqaqtukhaq).



2.6. Ataniqaqviani Havakvik Aulaqtunik

Havaaminun tingmiyukhat utiqtitauaniaqtun akikhangit allatqiimik atugumik ingilradjutikharnik akikhaatigun ilauvakhimayuq taima havakhimaaqtilunik havaktakhangit talvani ataniqarvingmi nayugaini haniani. Talvuuna Nunavut Kavamangit angirutitigun, akiliktakhangit havaktauyukhat ingilradjutikharnik talvani ataniqarvingmi nayugaini haniani havaaminun aulahimayuq talvuuna malikhautikhatigun atuqtakharnik:

- a) Talvuuna taaksikhangit akungani nayugaani aihimavingminunlu humi havaktakhangit tingmiyukhaq pigiaqaqtuq havagianganik havaguirnaqhikpan avugiikhugit havaknaitiluni ikaakningit, hilaup unghiktilaangitlu ayungnautigigumitku atugianganik angut/arnaq naunaitumik atuqtakharnik talvungauyaangat algilrauyaangatluuniit havaamingni; unaluuniit



- b) ingilradjutikhangit pigiaqagumi talvuuna ihumaliurnikkut aulatitiyaangat angiyunik iniqhimayunik titiqanik, talvuunaluuniit ikaaknitigun aturniaqtun hanaqidjutikharnik aturniaqtunik ihuagiyauhimagut talvuuna atuqtakharnik.



NAUNAITKUT A

Nunavut Kavamangit utiqtitiniaqtun maningnik havaaminun aulqititauhimayunun akikhangit aulahimayunik taima angirutiqagumik havaaminun aulqhimatiluni. Tamna akikhangit nirdjutikhangit, hunavalungniklu, unghahiktlaarutainik atuqtunik aulagumik tapkuninga naunaiyagiikhimayut kanatam kavamatkuni Maniliqiyiryualiqiyunik Katimayinik. Ukuat akikhangit naunaiyagiikhimayutq ihivriuqtauvakhimayut malruiqtuqhutik ukiungani naunaitauvakhimayut tautuktauyaangat, aulayukhat talvuuna Qitiqqauiyuq 1mi Tattiarnaqtuq 1mi ukiuk tamaat. Tamna Maniliqivingmi Havaktiuyuq talvuuna Nunavut Kavamatigun ihivriungniaqtait aulatitilugitlu kituliqaak allanguqtiqhimayunik talvunga Nunavut Kavamanmun akikhaatitigun.

AKIKHAUTIKHANGIT (Aulapkaidjutimut –Tattiarnavia 1, 2019)

Havaqiaqhutik Aullaagtut

Niridjutinik unalu Hunavalungnik Akikhangit tingmigumik aihinun talvani malikhautikharnik nayugaini:

Talvuna ubluini aullakhuni havaaminun avatquhimaitunik twenty-five quyunik (25) tatqikhiutimi ubluinik, akikhangit akiliktauyut ataaniitun akiiktauniaqtun. Tamna havaktiuyuq tingmidjutikharnik naunaitkutaani ilanganu ubluq pigiaqaqtuq ilanganik manikharnik utiqtitiyaangat inungnik nirdjutikhangit hunavalungniklu akiligiaqaqtunik aulagiaqagumi.

	Nunavunmi	Nunattiaq	Yukon/Alaska	Kanata/USA
Tupauttanut	\$27.35	\$24.15	\$22.75	\$20.35
Nirinnaqhikpat Ubluummaat	\$33.20	\$29.30	\$20.90	\$20.60
Nirinnaqhikpat Unnuagulihaaliqqat	\$88.45	\$62.70	\$60.25	\$50.55
Hunavalukhanut	\$17.30	\$17.30	\$17.30	\$17.30
Attautimut ubluq tamaat	\$166.30	\$133.45	\$121.20	\$108.80

Tapfumaungitumi uvani nunalingni huumi haluumakhuyuktuni ittiqtirvikni nalliak naruugiyakhaungituuq igluuq imalu ittiqtirvikhamik qanuritumi pivikhaitun, qakugu aulqutkhauyup naunaitkuutait hivituuyuumik hivitunia twenty-five (25) tatqikhiutimi ubluini talvani nunalingni, tamna akituuniannin manikhakhautikhamik talvuna **niridjuutikhanik** (takulugu naunaiyaghimayut uvani qullani uma) qanuqtunmi akikhilaaktukhauyuuq twenty dollars mik (\$20.00) qaffit ublut ilaiutitilugit ubluit talvani avatquutpata twenty-five nik (25) tatqikhiutim ubluingitni.

Inungni Hiniktaqtut

Uvani Nunavut - \$75.00 qaffit uunuami (Akilikhimayuuq naunaitkutak pikariakangituuq)

Hillatani Nunavut - \$50.00 qaffit uunuami (Akilikhimayuuq naunaitkutak pikariakangituuq)



Nutaqikipqainikmun

\$45.00 ubluk atauhikmi, qaffit nutakkat (Akilikhimayuq naunaitkutak pidjutikariakaktuq)

Aanuraanik Uaqhiviat

Ahiagut malrungnik (2) ublungit malrungnik talvuna aullaqhuni havaaminun, avvatqulimaitaa pingahunik maningmik (\$3.00) ubluk atauhirmi talvuna ublumani (Akilikhimayuq naunaitkuta pidjutiqariaqaqtuq)

Aulaninga Akhaluutituqtunik

Akhaluutiliqiyut:

Tapfumuna akikhautini akiliutitaaqtuq ima maningnik ingilragumi qaffinik talvuna atukgumi nanminilik akhaluutimik uvuna angikgiakaktumi kavamat nanminilingni aullaruta ima \$0.615/km (taaksiliukhimayut ilahimayuq).

Una akkikhautikhanik piyuq attautimut aullaknikmun

uvani unalu hilatanilu Nunavut. Apquttaungitumi

Akhaluutit:

Nunavut Kavamangat Ilaugiinnariaqarnimun \$7.50

tallakharniaqtun ikaaknirmi atauhirmi aturutaatigun

(Ilakharniaqtunlu \$5.00 tallakharniaqtaat ubluq

atauhirmi ilangani ubluangani aturutaatigun)

Havakhimaaqhutik tingmihimayuq ihuarutikharnik atuqtainik \$7.50 ikaaknirmi atauhirmi aturutaatigun

Aullakhuni Havaminun Ahinnungauhimayuq Hilaryuami:

Ubluq atauhiq akikhautini hilaryuami pidjutikariakaktun naunaiyaklugit atuklugit tapquat hilaryuami manikhautigilkparaini akikhautini titiqangmungakhimayuut talvani Kavamata Kanatami Hilaryuami Attautimiuyut Katimayit qaritauyakuruuta qunngiarviingit. Una qaritauyakuguuta quuniakviingit pidjutautaktuq Aullakhuni Ahinnungauhimayuq Havaminun Manikhaakhautikhak akikhautini naunaiktauhimayut nunallaani manikhakhautikhanik tapfuma aullaktidjutikhaminik nunaani. Tamna Qaritauyakuguuta Quuniakviingit atani uma: http://www.njc-cnm.gc.ca/directive/app_d.php?lang=eng

Tamna himauhiutihimayun akikhautini attuqtauqariaqaqtun naunaiyalikgumitkik tapfumuna Kanaittiani maniannik adjikutariigumiuk tapkuunanga Hilaryuami Attayut Katimayit Aullaktitauyum Manikhaakhaut akikhautini tapkuunanga piyauhimayut tapkuunanga Maniqarvianin tapkuat Kanatami. Tamna Qaritauyakuguuta Quuniakviingit atani uma: <https://www.bankofcanada.ca/rates/>

Aullaktitauyuut Havaamingnun pidjutikariakaktun naunaitkutunik 2.3 –Manikhaakhautikhamut Akiliktukariakaktunik talvuna malikturiaqaktunik, imalu 2) a), naunaitkutaini “*imalu niriidjutikhanik manikhaakhautikhamik atuulimaitpan talvani nunalingni, tamna aullaktitauyuk pidjutigitaatit manikhaakhautikhamik akiliktugariaqaqtunik tamainun niriidjuutikhanik (Akilikhimayuq naunaitkutak pidjutiqariaqaqtuq). Imalu naunaitquutat piyauhimaitpaata, akiliktughimayunik pidjutauhunguyun niriidjutinut titiraqhimayuni uvani Uiuangani A:..*